



Concello de Vigo

ACTA DA XUNTA DE GOBERNO LOCAL
Sesión do 18 de xuño de 2018

ASISTENTES:

Membros :

D. Abel Caballero Álvarez
D. Carlos López Font
D. Cayetano Rodríguez Escudero.
D. Angel Rivas González.
D^a. M^a. Isaura Abelairas Rodríguez
D. Jaime Aneiros Pereira.

NON ASISTEN:

D^a M^a. Carmen Silva Rego
D. David Regades Fernández
M^a José Caride Estévez
D^a. Olga Alonso Suárez

Invitados

D. José Manuel Fernández Pérez

Na Casa do Concello de Vigo, ás nove horas e cinco minutos do día dezaioito de xuño de dous mil dezaioito e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Abelairas Rodríguez, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Está tamé presente por invitación, a titular do órgano de apoio á Xunta de Goberno Local, Sra. Campos Acuña.

A Xunta de Goberno Local adopta os seguintes acordos:

1(644).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(645).- CORRECCIÓN DE ERROS MATERIAIS NO PREGO DE CLÁUSULAS ADMINISTRATIVAS PARTICULARES QUE REXE O PROCEDIMENTO DE CONTRATACIÓN DAS OBRAS DE ACONDICIONAMENTO DE ESPAZO POLIDEPORTIVO CUBERTO NA RÚA ROMIL Nº 77. EXPTE. 37/441.

Dáse conta do informe-proposta do 15-06-18, da xefa do servizo de Contratación:

“NORMATIVA DE APLICACIÓN

- Lei 7/1985, do 2 de abril, reguladora das bases do réxime local (LBRL)
- Lei 39/2015, do 1 de outubro, de Procedemento Administrativo Común das Administracións Públicas
- Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local (TRRL)

ANTECEDENTES

Primeiro.- En data 1 de xuño de 2018 a Xunta de Goberno local (XGL) acordou aprobar o expediente de contratación a través de procedemento aberto e tramitación ordinaria das obras do proxecto de “ACONDICIONAMENTO DE ESPAZO POLIDEPORTIVO CUBERTO NA RÚA ROMIL Nº 77” redactado polos polos Arquitectos Santiago González García, Paula Costoya Carro, Miguel Porras Gestido e Mónica Fernández Garrido, e aprobado en febreiro 2018 (expediente nº 37-441).

Segundo.- En data 7 de xuño de 2018 publicouse no perfil do contratante do Concello, aloxado na Plataforma de Contratación do Sector Público, o anuncio de licitación do citado procedemento.

Terceiro.- En data 13 de xuño comprobouse polo Servizo de contratación a existencia de dous erros no prego de cláusulas administrativas, concretamente na fórmula recollida nos apartados 7.B.1 e 14.C da Folla de Especificacións (FEC) do prego de cláusulas administrativas particulares (PCAP) e no apartado 14.C.

Cuarto.- A Xunta de Goberno local, na sesión do 14 de xuño de 2018, adoptou o seguinte acordo:

“1º.- Rectificar os apartados 7.B.1.a e o punto segundo do apartado 16.B da Folla de especificacións (FEC) do Prego de cláusulas administrativas particulares que rexe o procedemento aberto para a contratación da execución das obras de acondicionamento de espazo polideportivo cuberto na rúa Romil, nº 77, expediente nº 37-441:

- a)** *A fórmula do apartado 7.B.1.a da FEC queda redactada do seguinte xeito:
 $PE = 98,5 + (1.5 * ((Bi-Be)/(BE-Be)))$*
- b)** *O punto segundo do apartado 16.B da FEC queda redactado como segue:
Necesidades de adaptación ao entorno, no referente a servizos urbanos, deseño, esquema funcional ou accesibilidade, sempre e cando este sufra modificacións con posterioridade a data de aprobación do proxecto.*

2º.- Publicar o presente acordo no perfil do contratante do Concello de Vigo aloxado na Plataforma de Contratos do Sector Público”.



Concello de Vigo

Quinto.- Aprobada a corrección pola Xunta de Goberno local nos termos indicados no antecedente anterior comprobouse polo Servizo de Contratación que a referencia ao apartado da modificación do contrato era incorrecta. Onde dicía 16.B debería dicir 14.C. Así mesmo, acordo incluía un anexo (modelo de proposición) que non formaba parte do expediente.

FUNDAMENTOS XURÍDICOS

Primeiro.- A lexislación de procedemento administrativo faculta ás administracións públicas a rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos (artigo 109.2 LPAC).

Tal e como se relatou nos antecedentes, neste expediente, advertíronse erros materiais en dous apartados das FEC do PCAP, se ben a referencia a un dos apartados no informe-proposta e, consecuentemente, no acordo de corrección de erros era incorrecta, e onde dicía 16.B debería dicir 14.C. Así mesmo, incluíase un anexo (modelo de proposición) que non formaba parte do expediente.

Segundo.- A LCSP regula a información aos interesados no artigo 138. Determina este precepto que o acceso aos pregos e á documentación complementaria deberá garantirse por medios electrónicos a través do perfil de contratante, acceso que será libre, directo, completo e gratuíto, desde a data da publicación do anuncio de licitación.

No caso que nos ocupa, é preciso, polo tanto, publicar no perfil de contratante o acordo de corrección de erros.

Dado que se trata dunha simple corrección de erros materiais que non afecta á formulación de ofertas polos licitadores, a presente modificación non ten carácter substancial e non se precisa ampliar o prazo de presentación de ofertas, agora en curso, polo canto non concorre ningún dos supostos previstos no artigo 136 da LCSP.

Terceiro.- A competencia para a resolución do presente expediente correspóndelle á Xunta de Goberno local, na súa calidade de órgano de contratación (DA 2ª LCSP).

ACORDO

En base ao anterior, proponse á Xunta de Goberno local, en uso das facultades que lle confire a lexislación vixente, a adopción do seguinte **acordo**:

A) Rectificar o acordo adoptado na sesión do 14 de xuño de 2018 que queda redactado como segue:

1º.- Rectificar os apartados 7.B.1.a e o punto segundo do apartado 14.C da Folla de especificacións (FEC) do Prego de cláusulas administrativas particulares que rexe o procedemento aberto para a contratación da execución das obras de

acondicionamento de espazo polideportivo cuberto na rúa Romil, nº 77, expediente nº 37-441:

- a)** *A fórmula do apartado 7.B.1.a da FEC queda redactada do seguinte xeito: $PE = 98,5 + (1.5 * ((Bi-Be)/(BE-Be)))$*
- b)** *O punto segundo do apartado 14.C da FEC queda redactado como segue: Necesidades de adaptación ao entorno, no referente a servizos urbanos, deseño, esquema funcional ou accesibilidade, sempre e cando este sufra modificacións con posterioridade a data de aprobación do proxecto.*

2º.- Publicar o presente acordo no perfil de contratante do Concello de Vigo aloxado na Plataforma de Contratos do Sector Público.

B) Eliminar o anexo (modelo de proposición) ao acordo do 14 de xuño de 2018 por non formar parte deste expediente”.

Acordo:

A Xunta de Goberno Local aproba a proposta contida no precedente informe.

3(646).- PROPOSTA DE CLASIFICACIÓN DE OFERTAS PARA A CONTRATACIÓN DA PRESTACIÓN DO SERVIZO DA PRODUCCIÓN TÉCNICA LOCAL DOS ESPECTÁCULOS E ACTIVIDADES DO PROGRAMA “VIGO EN FESTAS 2018” NO AUDITORIO AO AIRE LIBRE DE CASTRELOS. EXPTE. 7428/335.

Dáse conta do informe-proposta de data 15-06-18, da secretaria da Mesa de Contratación:

“Primeiro.- Dar conta das exclusións acordadas pola Mesa de Contratación do Concello de Vigo, na sesión do 15 de xuño de 2018, dos licitadores que deseguido se relacionan polo motivo recollido na cláusula 14.4A do PCAP (“A incorporación a este sobre [B] dos documentos acreditativos dos criterios que poidan valorarse mediante cifras ou porcentaxes obtidos a través da aplicación de fórmulas previstas no apartado 7.B da FEC”):

1. GLOBAL SETUP S.L.
2. U.T.E. CATEGÓRICA PRODUCCIONES, S.L. - ELVIRA ZAPATA VILA

Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación do servizo da produción técnica local dos espectáculos e actividades do programa “Vigo en festas 2018” no auditorio ao aire libre de Castrelos (7.428-335) na seguinte orde decrecente:

Licitador	Puntuación total
FLUGE GALICIA, S.L.	82



Concello de Vigo

Terceiro.- Requerir ao licitador clasificado en primeiro lugar, FLUGE GALICIA, S.L., para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (150.2 da LCSP):

- Declaración responsable de non estar incurso en prohibición de contratar.
- A documentación esixida nas cláusulas 8 e 22 do prego de cláusulas administrativas particulares (PCAP).
- Resgardo da garantía definitiva esixible de acordo co disposto na cláusula 24 do prego de cláusulas administrativas particulares”.

Acordo:

A Xunta de Goberno Local aproba a proposta contida no precedente informe.

E sen ter máis asuntos que tratar, o Sr. presidente rematou a sesión ás nove horas e dez minutos. Como secretaria dou fé.

me.

A CONCELLEIRA-SECRETARIA DA XUNTA DE GOBERNO LOCAL,
M^a Isaura Abelairas Rodríguez.

O ALCALDE
Abel Caballero Álvarez